



UNDANG-UNDANG MALAYSIA

VERSI ATAS TALIAN
TEKS CETAKAN SEMULA YANG KEMAS KINI

Akta 426

AKTA SEKURITI PEMEGANG AMANAH KERAJAAN 1957

Mengandungi segala pindaan hingga 1 Januari 2013

Teks ini HANYALAH TERJEMAHAN oleh Jabatan Peguam Negara bagi *The Government Trustees Securities Act 1957* sebagaimana yang disemak dalam tahun 1990. Melainkan dan sehingga ditetapkan sebagai sah di bawah subseksyen 7(1) Akta Bahasa Kebangsaan 1963/67 [Akta 32], teks ini bukan perundangan.

**AKTA SEKURITI PEMEGANG AMANAH
KERAJAAN 1957**

Pertama kali diperbuat 1957 (Ord. No. 41 tahun
1957)

Disemak 1990 (Akta 426 m.b.p
31 Mac 1990)

UNDANG-UNDANG MALAYSIA**Akta 426****AKTA SEKURITI PEMEGANG AMANAH
KERAJAAN 1957**

SUSUNAN SEKSYEN

Seksyen

1. Tajuk ringkas
2. Tafsiran
3. Pemakaian Akta
4. Peruntukan bagi pembayaran wang kepada pemegang saham
5. Perakuan oleh *Crown Agents*
6. Perundangan tertentu akan dipersetujui dengan Kerajaan United Kingdom
7. *(Ditinggalkan)*

UNDANG-UNDANG MALAYSIA

Akta 426

AKTA SEKURITI PEMEGANG AMANAH KERAJAAN 1957

Suatu Akta untuk membolehkan pinjaman oleh Kerajaan Malaysia dikira sebagai sekuriti pemegang amanah di United Kingdom.

[30 Ogos 1957]

Tajuk ringkas

1. Akta ini bolehlah dinamakan Akta Sekuriti Pemegang Amanah Kerajaan 1957.

Tafsiran

2. Dalam Akta ini, melainkan jika konteksnya menghendaki makna yang lain—

“Akta-Akta Saham Kolonial” ertinya Akta-Akta Parlimen Imperial yang dikenali sebagai Akta-Akta Saham Kolonial 1877 hingga 1948 [40 dan 41 Vict. C. 59; 55 dan 56 Vict. C. 35, 63 dan 64 Vict. C. 62; 24 dan 25 Geo. 5 c.47];

“*Crown Agents*” ertinya orang atau orang-orang yang sedang bertindak sebagai *Crown Agents* bagi Kerajaan dan Pentadbiran Luar Negeri di England atau mana-mana satu daripadanya.

Pemakaian Akta

3. Akta ini hendaklah terpakai bagi semua sekuriti yang sehingga kini diwujudkan atau dikeluarkan atau disifatkan telah diwujudkan atau dikeluarkan bagi pihak Kerajaan Malaysia atau kemudian daripada ini diwujudkan atau dikeluarkan bagi pihak Kerajaan Malaysia yang baginya Akta-Akta Saham Kolonial sedang terpakai dan yang sedang didaftarkan di United Kingdom mengikut Akta-Akta tersebut, setiap satu dan kesemua sekuriti itu kemudian daripada ini disebut sebagai “sekuriti Kerajaan Persekutuan”.

Dengan syarat bahawa Akta ini tidak terpakai bagi sekuriti yang dikeluarkan selepas Akta Pinjaman Luar Negeri 1963 [Akta 403] mula berkuat kuasa.

Peruntukan bagi pembayaran wang kepada pemegang saham

4. (1) Apabila menurut penghakiman muktamad, dekri, kaedah atau perintah mana-mana mahkamah yang mempunyai bidang kuasa kompeten di United Kingdom, apa-apa jumlah wang diputuskan atau ditetapkan kena dibayar oleh Kerajaan Malaysia berkenaan dengan mana-mana sekuriti Kerajaan Persekutuan, Kerajaan hendaklah dengan serta-merta membayar jumlah wang itu daripada kumpulan wang milik Kerajaan yang dipegang oleh *Crown Agents*, tanpa peruntukan lanjut selain Akta ini.

(2) Bagi maksud seksyen ini “penghakiman muktamad, dekri, kaedah atau perintah” ertinya dalam hal rayuan penghakiman muktamad, dekri, kaedah atau perintah mahkamah terakhir yang mendengar rayuan itu.

Perakuan oleh *Crown Agents*

5. Bagi membolehkan tiap-tiap pembayaran itu dibuat dengan sepenuhnya, suatu perakuan yang ditandatangani oleh *Crown Agents*, yang menyatakan jumlah wang yang telah dibayar di bawah

perintah mana-mana mahkamah sedemikian, adalah kuasa yang mencukupi untuk Ketua Audit Negara atau pegawai lain yang mengaudit akaun mereka bagi meluluskan jumlah wang itu tanpa peruntukan lanjut.

Perundangan tertentu akan dipersetujui dengan Kerajaan United Kingdom

6. Perundangan yang didapati oleh Kerajaan Baginda Queen di United Kingdom mengubah mana-mana peruntukan yang menyentuh sekuriti Kerajaan yang akan menjejaskan pemegang atau melibatkan penyimpangan daripada kontrak asal mengenai sekuriti tersebut, tidak boleh dikemukakan untuk diperkenankan kecuali selepas persetujuan dengan Kerajaan Baginda Queen di United Kingdom, dan jika mana-mana perundangan seperti yang tersebut dahulu menarik perhatian Kerajaan Malaysia, Kerajaan Malaysia hendaklah mengambil langkah-langkah perlu untuk memastikan pindaan sebagaimana yang diminta oleh Kerajaan Baginda Queen di United Kingdom.

7. *(Ditinggalkan).*

UNDANG-UNDANG MALAYSIA**AKTA 426****AKTA SEKURITI PEMEGANG AMANAH
KERAJAAN 1957****SENARAI PINDAAN**

Undang-undang yang meminda	Tajuk Ringkas	Berkuat kuasa dari
Akta 22/1963	Akta Pinjaman Luar Negeri 1963	15-6-1963

UNDANG-UNDANG MALAYSIA**AKTA 426****AKTA SEKURITI PEMEGANG AMANAH
KERAJAAN 1957****SENARAI SEKSYEN YANG DIPINDA**

Seksyen	Kuasa meminda	Berkuat kuasa dari
3	Akta 22/1963	15-06-1963